

## Երրորդ կողմի կարծիքը՝ Վարդան Օսկանյանի գործով

17.12.2012 00:00

Վերջերս այս կայքում տեղեկություններ կային, որ անցկացվում է սեմինար դատավարությունների ընթացքում երրորդ կողմի կարծիքի մասին /amicus curiae/. Բոլորը երևի տեղյակ են մամուլից ՀՀ նախկին արտգործնախարար, ՀՀ ԱԺ պատգամավոր Վ.Օսկանյանի նկատմամբ իրականացվող քրեական հետապնդման մասին: Ելնելով գործի բացահայտ քաղաքական բնույթից, նախաքննության մարմինը և ՀՀ գլխավոր դատախազությունը, ինչպես միշտ, առավել ևս այս դեպքում, մշտապես մերժում են պաշտպանության կողմի բոլոր միջնորդությունները՝ քրեական գործը կարճելու և Վ.Օսկանյանի նկատմամբ իրականացվող քրեական հետապնդումը դադարեցնելու մասին: Որպեսզի հանրությանը ի ցույց դնենք իրականացվող հետապնդման ողջ իրավաբանական դատարկությունը, դիմել ենք ռուսաստանյան մի շարք հեղինակավոր գիտական հաստատությունների, խնդրելով տալ իրենց կարծիքը գործի վերաբերյալ: Առաջինը ստացել ենք ՌԴ գիտությունների ակադեմիայի Պետության և իրավունքի ինստիտուտի կարծիքը, որը հեղինակել է նշված ինստիտուտի փոխտնօրեն, իրավաբանական գիտությունների դոկտոր, պրոֆեսոր, ՌԴ վաստակավոր իրավաբան Յու.Լ.Շուլժենկոն: Ըստ այդ եզրակացության, Վ.Օսկանյանի արարքում բացակայում է որևէ հանցակազմ: Եզրակացությունը համապատասխան միջնորդությամբ ուղարկվել է նախաքննության մարմնին:

Հետաքրքիր է, թե ինչպես են հիմա մեր իրավապահները ռուս առաջատար գիտնականին "սխալ" հանելու: Գոնե այս կերպ փորձենք ցույց տալ մեր իրավապահ համակարգի շատ գործերով ցուցաբերվող և նույնիսկ չթաքցվող իրավական անգրագիտությունը:

Ցավոք այս կայքը հնարավորություն չի տալիս ներբեռնելու եզրակացության \$այլը, ես այն ուղարկում եմ պալատին, հույսով եմ, որ պալատի մասնագետները այն կտեղադրեն սույն հոդվածին կից: Եթե ոչ, ապա իմ մոտ արդեն վերջնական կարծիք կձևաորվի պալատի որոշ հարցերում դրսևորվող բացահայտ կողմնակալության մասին:

Տիգրան Աթանեսյան

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```